



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 80 1 2 3 4 5 6 7 8



1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

C40-4641



64853



大方廣佛華嚴經疏鈔卷一之一

于闐國三藏沙門實叉難陀譯

清涼山大華嚴寺沙門澄觀撰述

世王妙嚴品第一之一 經題品目具如前釋
疏上來十例各顯一理然亦無盡若依常用應依

三分謂初品爲序現相下正宗法界品內爾時文
殊師利從善住樓閣出下明流通序中就文分二
初此土序二結通十方無盡世界序初中復二初
證信序後爾時如來道場下發起序 鈔二結通
者文在第五卷末彼文有三初結此界次結華藏
文在第六卷末

內後結華藏外。

疏然此二序廣如常解。今但畧陳。初證信者。若原其所由。則阿難請問。如來令置。如智度論。及大悲經說。鈔阿難請問者。智論第二云。佛涅槃時。於拘尸那國娑羅雙樹間北首而卧。一心欲入涅槃。阿難親屬愛心未除。未離欲心。心沒憂海。不能自出。爾時長老阿泥樓豆語阿難言。汝是守佛法藏人。不應同凡人。自沒憂海。一切有爲法。是無常相。汝莫憂愁。又佛首付汝法。汝今愁悶失所付事。汝當問佛。佛涅槃後。我等云何行道。誰當作師。惡性當問佛。佛涅槃後。我等云何共住。佛經之首作何等語。如是種種未來要事。應當問佛。阿難聞是事已。心悶少醒。得念佛力助。於佛末後所卧床邊。以是事問佛。佛告阿難。若今現在。若我過去。依止念處。莫依止餘。乃至廣說身受心法。除世間貪愛。又云從今日後。解脫戒經。是汝大師。如解脫戒經說。身口意業。應如是行。又車匿比丘。如梵天法治。若心輒後。應教迦旃延經。即可得道。復次是我三阿僧祇劫所集法寶。某方某國土某處樹林中。是我法門初首。應作如藏。是藏初首。應作如是說言。如是我聞。一時佛在

車匿云。何共住。佛經之首作何等語。如是種種未來要事。應當問佛。阿難聞是事已。心悶少醒。得念佛力助。於佛末後所卧床邊。以是事問佛。佛告阿難。若今現在。若我過去。依止念處。莫依止餘。乃至廣說身受心法。除世間貪愛。又云從今日後。解脫戒經。是汝大師。如解脫戒經說。身口意業。應如是行。又車匿比丘。如梵天法治。若心輒後。應教迦旃延經。即可得道。復次是我三阿僧祇劫所集法寶。某方某國土某處樹林中。是我法門初首。應作如藏。是藏初首。應作如是說言。如是我聞。一時佛在

是說何以故。三世諸佛法經首皆稱是語。今我經初亦應稱此如是我聞一時等語。及大悲經說者。按大悲經第五云。佛告阿難。我今以是正法寶藏付囑於汝。勿令毀滅。阿難曰。佛言。我今云何修行法眼。乃至復云云何結集法眼。佛告阿難。我滅度後。有諸大德比丘僧衆。集法毘尼。時彼諸大德摩訶迦葉最爲上首。阿難。彼諸大德諸比丘衆。應如是問。世尊何處說聲聞藏緣覺藏菩薩藏。阿難。時那乃至云何處說聲聞藏緣覺藏菩薩藏。阿難。時諸比丘如是問已。汝應答言。如是我聞一時佛在

摩伽陀國菩提樹下。初成正覺。如是我聞一時。佛在伽耶城。如是乃至云云如是我聞一時。佛在拘尸那城力士生地。阿利羅跋提河邊娑羅雙樹間。乃至云佛說經已。一切大衆皆大歡喜。頂戴奉行。阿難。汝應如是結集法眼。餘可例知。

疏若覈其所以意有六焉。一爲異外道故。外道經首皆立阿優以爲吉故。此約如是一爲息諍論故。智度論云。若不推從佛聞。言自制作。則諍論起故。今廢我從聞。聞從佛來。故經傳歷代。妙軌不輟。此局我聞。鈔今廢我從聞下。上卽論文。此下生公

意成上論義。

疏三爲離增減過故。佛地論云。應知說此如是我聞。意避增減異分過失。謂如是法我親從佛聞。文義決定。非謂傳聞有增減失。四爲斷衆疑故。真諦引律云。結集法時。阿難升座。變身如佛。衆起三疑。一疑大師涅槃重起。二疑他方佛來。三疑阿難轉身成佛。說此如是我聞。二疑頓斷。既言我聞。卽非佛明矣。上二義通。約信聞。五爲生信故。智論云。說時方人令生信故。此局後四六爲順同三世佛故。此通六種。

疏若準佛地論科爲五事。一總顯已聞。一教起時分。三別顯教主。四彰教起處。五顯所被機。今依智論開初總顯已聞。作信聞二種。爲六成就。一信二聞。三時。四王。五處。六衆。

疏然信聞二事。文局初首。義通九會。時王二種。文義俱通。處衆二事。文義俱局。隨相則爾。約實互融。鈔然信聞二事下。料揀通局。謂如是我聞。唯經初有。而九會經如是法義。我皆得聞。時王俱通者。會會之初。皆云爾時世尊等處。衆俱局者。摩竭非忉利天等處。局十佛刹。菩薩列名異故。新舊菩薩

亦不同故隨相則爾者。一會卽一切會。何有衆等而不通耶。

疏上來畧依三分二序。然此經體勢少異。故依五分釋文。而合後二名。依人證入。補爲今四分者。初舉果勸樂生信分。二修因契果生解分。三詫法進修成行分。四依人證入成德分。此四科見玄談品會釋義等文。此處藏無係後人所補。因下就第一舉果分科無根且信解行證是作疏之本。理宜從補。五眉間出衆分。已上在第二品內。六普賢三疏就第一舉果分中。或科爲十一。教起因緣分。卽初二品二天衆同請分。三面光集衆分。四毫光示法分。五眉間出衆分。已上在第三品內。六普賢三

昧分。七諸佛同加分。八法王起定分。九大衆重請分。已上在第三品內。十正陳法海分。在後三品內。若以義從文。且分爲三。一教起因緣分。二現相下說法儀式分。三世界成就下正陳所說分。就初分中亦分爲十一。總顯已聞。二時下標王時處。三始成正覺別明時分。四其地下別顯處嚴。五爾時世尊下教主難思。六有十佛世界下衆海雲集。七從爾時如來道場下稱揚讚德。八爾時如來師子座下座內衆流。九爾時華藏下天地徵祥。十如此世界下結通無盡。

如是我聞

疏今卽初也。如是我聞者。謂如是一部經義。我昔親從佛聞。故佛地論云。謂傳佛教者。言如是之事。我昔曾聞。如是總言。依四義轉。一依譬喻。二依教誨。三依問答。四依許可。具如彼論餘。更有釋意。不殊前此。上總合信聞。鈔一。依譬喻者。如有說言。富貴如毘沙門。如是所傳所聞之法。如佛所說。此則以佛所說如毘沙門。我今所傳如富貴人。則以佛說爲喻也。亦有說言。如是文句。如我昔聞。此以昔聞。喻今聞也。故云譬喻。故有釋如是云。兩法相

似謂之如。一法無非謂之是。相似卽譬喻耳。二依教誨者。如是當聽。我昔所聞。此卽傳法者之教誨也。亦有云。卽佛教誨。謂如是法。是我佛說。應當諦聽。如有人言。汝當如是讀誦經論。三依問答者。謂衆問言。汝當所說。昔定聞耶。故此答言。如是我聞。四依許可者。謂結集時。諸菩薩衆咸共請言。如汝所聞。如是說。傳法菩薩便許可言。如是當說。如我所聞。如是說言。我當爲汝如是而思。如是而作。如是而說等。又許可者。或信可言。是事如是。謂如是法。我昔所聞。此事如是。齊此當說。定無有異。由

四義故經初皆置如是我聞然上總意偏此四義非別理也。餘更有釋者。刊定記別開有九意。一以總釋爲一義。次用上四別成五義。六以許可中第二釋云。又許可者或信可言爲第六意。此是大乘法師重釋第四許可非別義也。設有異釋。大同許可。又引功德施論爲第七釋云。如是我聞者顯示此經是佛世尊現覺而演。非自所作。亦同佛地總意耳。八引長耳三藏依三寶釋。若大乘法師用之乃是離釋。下文當引九引梁朝雲法師云。如是我聞者。將傳所聞之法。先當標舉一部經教。我於佛

所聞者。此亦全同佛地總意。故云餘更有釋意不殊前。

疏若離釋者。先釋如是。信成就也。智論云。佛法大海信爲能入。智爲能度。信者言是事。如是不信者言是事不如。是故肇公云。如是者。信順之辭也。信則所言之理順。順則師資之道成。經無豐約。非信不階。故稱如是。鈔若離釋下。第二離釋信聞。於中總明。先依智論合如是二字通釋是信順之辭。然論具云。佛法大海信爲能入。智爲能度。如是者。即是信也。若人心中有清淨信。是人能入佛法。若

無淨信。當知是人不入佛法。不信者。言是事不如是。是不信。相信者。言是事如是。故肇公云者。此下肇公釋。但是用智論意。非是別理。是以疏言。故肇公云也。復有人於肇上加云。信爲入法之初基。智爲究竟之玄術。信則所言之理順。順則師資之道成。由信故。所說之法皆可順從。由順從故。說聽二途師資建立。此亦後人傍於智論肇公後加言。則雖多。亦非異理。故疏收其異義。立爲別釋。意同言異。並畧不存。後人不知。重重因修。皆列爲異解。疏有云。聖人說法。但爲顯如。唯如爲是。故稱如是。

此唯約所詮之理。次真諦三藏云。真不違俗。名之爲如。俗順於真。稱之爲是。真俗無二。故稱如是。此約所詮理事。鈔有云。聖人下此下。自狹之寬。以釋此第一最局。唯取如故。卽劉虬注無量義經。疏若云。如斯之言。是佛所說。則唯約能詮。有云。如者。當理之言。言理相順謂之如也。是者。無非之稱。鈔若云。如斯下。卽梁武帝釋。此約能詮。通詮事理。有云。如者。當理之言者。通能所詮。含於事理。理者。道理。非唯眞如。卽生公釋法華經。疏此明說事如事。說理如理。明能詮之教。稱於事

理也。融云如是者。感應之端也。如以順機受名。是以無非爲稱。衆生以無非爲感。如來以順機爲應。鈔此明說事下。此卽於生公釋中傍出。遠公約法以釋意。明生公卽遠公意。然彼具云。一約法解。阿難道彼如來所說。如於諸法。故名爲如。說理如理。說事如事。說因如因。說果如果。如法之言。是當道理。故曰如是。良以乖法名爲非故。如法之言。得稱爲是。其言雖多。但是道理之言耳。故不異生公。融云如是者。謂以如字爲佛應。是字爲機感。故漸寬前。

疏經以言教出於感應。故云如是。此兼對機。鈔經以言教下。後通妨難。恐有難云。如卽是應。是卽爲感。何不名爲感應我聞。故爲此通。有引此爲注法華釋云。注是劉公用融公義耳。

疏上來諸釋各是一塗。更有諸釋。言異意同。鈔更有諸釋者。謂長耳三藏就三寶。釋云。一就佛。三世諸佛共說不異。故名爲如。以同說故。稱之爲是。此大同梁帝二約法云。諸法實相。古今不異。故名爲如。如來爲說。故稱爲是。此同劉云。聖人說法。但爲顯如。三約僧釋云。以阿難聞。望佛所教。所傳不

異故名爲如。永離過非故名爲是。此同佛地總意。故云言異意同。又寶公約離五謗釋云。第一句如是此經。離執有增益謗。故云如是。第二句如是此經。離第二執無損減謗。第三句如是此經。離第三執亦有亦無相違謗。第四句如是此經。離第四執非有非無愚癡謗。第五句如是此經。離第五執非非有非非無戲論謗。此上五謗當理之言。卽皆攝盡。又真諦三藏約二諦釋。旣離有無。則離俱及俱非等。故亦不異前釋。故云言異意同。

疏若依生物之信。應如智論及佛地論合釋。若取

敵對阿優應如真諦所釋。今當廣之外謂阿之言無優之言。有萬法雖衆不出有無。此卽斷常之計。今云如卽真空。是卽妙有。旣無有外之眞。故空而非斷。無眞外之俗。故有而非常。卽對破邪宗。以彰中道。一代時教不出於斯。故云如是。鈔若取敵對者。百論云。外道立阿優爲吉。智論云。梵王昔有七十二字以訓於世。教化衆生。後時衆生福德轉薄。梵王因茲吞噉在口。兩角各有一字。是其阿優亦云阿嘔。梵語輕重耳。

疏若華嚴宗以無障礙法界曰如。唯此無非爲是。

應隨教門深淺以顯如是不同。鈔若華嚴宗下。第二以宗揀定約教以釋。上通諸教。今先舉圓宗。應隨教門下依五教以釋。既如是爲當理之言。明於二諦。則小乘人法爲俗。生空爲真。始教之中。四重真俗。終教之中。事理真俗。二相交徹。如真諦所解。頓教則真俗兩亡。亡言絕慮方稱當理。如無常經。應以生老病死定可厭等稱爲當理之言。異此所明。不得稱是。

疏二、我聞者聞成就也。將欲傳之於未聞。若有言而不傳。便是徒設。不在能說。貴在能傳。故次明我

聞。我卽阿難。聞謂親自聽聞。
疏云何稱我卽諸蘊假者。鈔云何稱下。先徵釋我。我諸蘊假者。通於諸教。

疏此用何聞。若依大小乘法相。各有三說。一耳聞非識。二識聞非耳。三緣合方聞。然或具四緣八緣等。鈔此用何聞下。徵聞重釋。通于我聞。若依大小乘下。約教別釋。於中三段。初法相中。舍前小乘及與始教。於中初正釋。言小乘三者。初薩婆多宗。自有三義。一法教論師。耳聞非識。謂雖自分識。依根方聞。然聞體是根。非是於識。如聞旣爾。見等亦

1 2 3 4 5 6 7 8 9

1 2 3 4 5 6 7 8 9

80 1 2 3 4 5 6 7 8 9

然故雜心云。自分眼見色。非彼眼識見。非慧非和合。不見障外色故。二妙音師。識聞非耳。根無覺故。三成實師。和合能聞。上三並如俱舍界品。及婆沙第十三說。大乘三者。一耳聞非識。如雜集第二云。耳界有何相。謂能聞聲。瑜伽三十五云。數數於聲作意。至能聞故。二識聞非耳。梁攝論云。聞有三義。一聞體謂耳識。二聞資糧謂音聲。三聞果謂卽聞慧。唯此耳識以爲正聞。三和合能聞。佛地論云。聞謂耳根發識。領受聲塵。瑜伽論云。聞謂聽聞。卽是耳根發生耳識。聞受教故。然或具四緣八緣等者。

通釋大小乘和合聞義。上言和合。但合根識。今取具緣。故云四八。然其四八是生識緣。若取能聞。兼所發識。則或五或九。故疏云等言。或四者。卽是小乘。一空。二根。三境。四作意。故智論云。爾時耳根不壞聲在可聞處。作意欲聞。情塵意合。卽耳識生。隨耳識生。卽意識生。方能分別種種因緣。方得聞聲。釋曰。聲在可聞處。卽空。二卽作意。情卽是根。故中論內。名六根品。爲六情品。古云。根含識義。目之爲情塵。卽是境。意卽是根。加此爲五。發生耳識。言隨耳識生。卽同時意識分別。非是緣也。若約分別聲。

塵則同時意識。亦是緣也。種種因緣得聞聲。總結也。言八緣者。於前四上復加於四。謂一空二根三境四作意五根本依。耶賴識六染淨依。第七識七分別依。第六識八種子種子爲因緣依。諸有爲法皆託此依。離此因緣必不生故。分別依者。卽第六識染淨依者。卽第七識根本依者。卽第八識根。卽同境依故。唯識第四云。由此五識俱有所依。定有四種。謂五色根。六七八識。隨闕一種。必不轉故。同境分別染淨根本所依別。故如有偈云。眼識九緣生。耳識唯從八。鼻舌身三七。後三五三四。若加等無間。於

前各加一。釋曰。眼九緣者。復加於明闇中無見故。耳已除明。七更除空。此三合中知故。後三卽六七八也。六識五緣。更除染淨。及與分別。分別卽所發識。染淨卽所依根。第七識或四或三四。謂除染淨。染淨卽所發識。故前六識中。約爲根故除。此第七中。約爲識故除。復除第八。第八卽總故。或三者。更除於境。境卽根故。言三者。第八但有種子。作意及根。或四卽更加境。此上諸釋。因便故來。疏雖因耳處廢別從總。故稱我聞。法雖無我。言語便故。隨順世間故。稱我聞。非邪慢心而有所說。

鈔雖因耳處下。第二解妨。此有二妨。一。有問言。現是耳聞云何言我聞。故爲此通明我爲總總該眼耳等諸根故。卽佛地論文。一。有問言。一切佛教詮於無我阿難已是入理聖人。那同凡夫而稱我聞。故此通云。法雖無我是牒問意。後言語便下。卽是通釋於中先顯正後非邪慢下據非。此中通是二論之意。謂智論第一有三復次以釋無我說我。一云復次世間法中說我。非第一義中說以是之故諸法空無我。世間法故。雖說於我無實體故。二云復次世間語言有三根本。一邪。二慢。三名字。前二

不淨。後一是淨。一切凡夫具三種語。見道學人二種語。慢名字。諸聖人一種語。謂名字內心不計實法。隨世間人共傳是語。佛弟子順俗故說我無咎。三云。復次若人著無我相。諸法是實。餘皆妄語。是人應難。此一切法實相無我。云何言如是我聞。今諸佛弟子知一切法空無所有。是中心不著。亦不著諸法實相。何況無我中心有所著。以是義故。不應難言何以說我。釋曰。上三復次。一。隨世間故。二。破邪見故。三。不著無我故。二者依瑜伽論第六云。畧由四義。故稱我聞。一爲世間語便易故。二爲隨

順世間故。三爲斷除決定無我怖畏故。四爲宣說
自他得失令生決定信解心故。顯揚第九。雜集第
十三皆同此說。釋曰。此與智論大同。瑜伽第一。智
論畧無易故不出。二卽智論第一。三卽智論第三。
謂著無我卽無我怖者。謂若定無我爲誰修學。故
不說無我著卽令怖。不著故不說無我。此怖自除。
四卽第二。謂隨世流布。卽能令他生決定信解之
心。已知二論。言異意同。故今疏明舍於二論。取其
言同。言語便易。卽瑜伽第一意。隨順世間。卽瑜伽
第二。智論第一。非邪慢心而有所說。卽智論第二。

意中所揀二語。大乘法師傍智論意。立三種我。一
妄執我。卽此邪我。二者假施設我。謂大涅槃樂淨
常我。除二乘倒強施設故。此亦卽是智論名字中
收。而智論於世間假名。此依出世法假名。二世流
布我。正同智論三語之中名字我耳。然此中更有
問言。爲佛說法而言我聞。爲不說法而言我聞。卽
本質影像之義。已見教體中。故疏不問。

疏若依無相。我旣無我。聞亦無聞。從緣空故。而不
壞假名。卽不聞聞耳。鈔若依無相下。第二無相
宗舍於三教。謂始教頓教實教。謂若但云。我旣無

我聞亦無聞。卽大乘初門爲始教意。若云能所雙寂無聞不聞亦無我不我離念頓顯。卽頓教意。其從緣空故。有三者。向上成前二教無我所以。二者向下不壞假名。卽不聞之聞爲實教意。謂事理無礙。故聞卽不聞無二義故。故智論云。聞者云何聞。用耳根聞耶。用耳識聞耶。用意識聞耶。若耳根聞。耳根無覺知。故不應聞。若耳識聞。耳識一念不能分別。故不應聞。若意識聞。意識亦不能聞。何以故。先五識識五塵。然後意識識意識不能識現在五塵。唯識過去未來五塵。若意識能識現在五塵者。

盲聾人亦應識色聲。何以故。意識不破故。答曰。非耳根能聞亦非耳識亦非意識。是聞聲事從多因緣和合故得聞聲。不得言一法能聞聲。何以故。耳根無覺故不應聞聲。識亦無色無對無處故亦不應聞聲。聲無覺亦無根故不能知聲。釋曰。此上皆明相離不能聞。下云爾時耳根不壞等。卽辯和合能聞。已如前法相宗中引。今明和合而聞。聞卽無聞。皆實教意。若劉公注法華經云。陰入非主爲我。聽受非情曰聞。深照緣起。悟解法空。若斯人也。顧命之所因。然後傳而無執物。我同致。釋曰。此初亦

始教意從深照緣起下。卽實教意然皆屬無相宗攝。又言不聞聞者。卽涅槃十九十地品中當引。大意但明事不礙理故不聞。約理不礙事故爲聞。

疏若約法性。此經旨趣傳法菩薩以我無我不二之真我。根境非一異之妙耳。聞無礙法界之法門也。鈔若約法性下第三約法性宗辯而但明圓教中意。言以我無我不二之真我者。含兩經意。二者淨名云於我無我而不一。是無我義。二者涅槃云無我法中有真我是故敬禮無上尊。正當今意卽口順世間心造真境真自在我。根境非一異之

妙耳者。以根與境共爲緣起。因根說境。因境說根。互相融卽故曰非異。兩相歷然故曰非一。斯爲妙耳。何所不聞。

疏然阿難所不聞經或云展轉傳聞或云如來重說或云得深三昧自然能通。鈔然阿難下第二釋不聞難。謂有問言。阿難是佛得道夜生年滿二十方始出家。年至三十如來方命以爲侍者。自三十年前如來所說阿難不聞。何以經初皆言我聞。故爲此答。答有四意。大爲兩節。前三帶權後一顯實。或展轉聞者。自有數說。一報恩第六云。阿難所

不聞經。從諸比丘邊聞。或有諸天向阿難說。一依涅槃四十二云。我涅槃後。阿難比丘所未聞者。弘廣菩薩當廣流布。阿難所聞自能宣通。三智論第二云。迦葉阿難於王舍城結集三藏。是時長老大迦葉謂阿難言。佛囑累汝令持法藏。汝應報佛恩。佛在何處。最初說法。諸大弟子能守護法藏者。皆已滅度。唯汝一人在。汝今應隨佛心憐愍衆生故。集佛法藏。時阿難禮衆僧已坐師子牀。時大迦葉說偈言。佛聖師子王。阿難是佛子。師子座處坐。觀衆無有佛。如是大德衆。無佛失威神。如夜無月時。虛

空不清淨。如大智人說。汝佛子當演。何處最初說。今汝當布現。是時長老阿難一心合掌。向佛涅槃方。如是說言。佛初說法時。爾時我不見。如是展轉聞。佛在波羅奈。佛爲五比丘。初開甘露門。說四聖諦法。苦集滅道諦。阿若憍陳如。最初得見道。及八萬諸天。聞是得見道。以是等文明。是傳聞。故云或展轉傳聞。或云如來重說者。報恩經第六明。阿難佛命爲侍者。阿難從佛請求三願。一者不受佛故衣。二者不受佛別請。三者所未聞法。更請重說。如來將入涅槃前。更爲阿難重說。或云得深三昧。自

撰述

華嚴疏錄卷之二

七

三

然通達者。金剛華經云。阿難得法性覺自在王三昧故。如來前所說經皆能憶持。與親聞無異。涅槃亦云。阿難多聞士。若在若不在。自然能解了。常與無常義法。華得受記竟。云世尊甚希有。令我念過去無量諸佛法。如今日所聞。我今無復疑。安住於佛道。方便爲侍者。護持諸佛法。既云得記竟方悟。亦帶方便。據方便爲侍者。卽密顯實矣。

疏上皆就迹而說實。是大權菩薩影響弘傳。如不思議境界。經斯爲良證。但隨機教別。故見聞不同。鈔上皆就迹下顯實。於中上一句是結前。此下

正顯實義。如不思議者。彼經云。爾時復有千億菩薩現聲聞形。亦來會坐。其名曰舍利弗。目犍連。乃至云阿難。提婆達多。跋難陀等。而爲上首。皆已久修六波羅密。近佛菩提。爲化衆生於雜染土。現聲聞形。釋曰。是大菩薩方爲顯本。故爲實說。如法華五百弟子品云。諸比丘諦聽。佛子所行道。善學方便故。不可得思議。知衆樂小法。而畏於大智。是故諸菩薩作聲聞緣覺。卽阿難章中云。方便爲侍者。護持諸佛法。卽大權明矣。但隨機教別者。亦含多義。一成上諸說。但隨機教。二者卽約三種阿難受

持三藏故云隨機教別見聞不同三種阿難卽大乘集法經說玄中已引金剛仙論及真諦般若疏引闍王懺悔經等並同此說上來總顯已聞科竟

一時佛在摩竭提國阿蘭若法菩提場中

疏第二標王時處者卽三成就言一時者時成就也時者亦隨世假立時外一者據異餘時如來說經時有無量不能別舉一言畧周故云一時如涅槃云一時佛在恒河岸等卽法王啓運嘉會之時也鈔亦隨世假立者謂佛法中時不可得中論

云因物故有時離物何有時物尚無所有何況當有時今隨世俗說有一時智論意同據異餘時者謂趣舉一時耳卽法王啓運者卽肇公語意亦可知啓者開也嘉者善也易云元者善之長也亨者嘉之會也謂佛開大運演說真乘卽嘉善之會也疏亦可機教一時謂上言如是言雖當理若不當時亦爲虛唱今明物機感聖聖能垂應凡聖道交不失良機故云一時鈔亦可機教下二感應合釋卽生公意

疏佛者王成就也具云勃陀此云覺者謂自他覺

滿之者雖具十號佛義包含故偏明之義見題中
鈔佛者下若言菩提但稱爲覺若云佛陀此云
覺者然覺有三一自覺謂雙覺事理如睡夢覺如
蓮華開此揀凡夫二者覺他揀異二乘三者覺滿
揀異菩薩故云自他覺滿之者若禪觀說亦云離
心名自覺離色名覺他色心俱離爲覺滿以依起
信心體離念名本覺故題中總有此義釋之

疏在摩竭下處成就也真身無在而無不在故次
辯之鈔真身無在下總顯大意言無在者體相
寂寥離能所故無不在者體圓徧故故下經云譬
如虛空徧至一切色非色處非至非不至何以故
虛空無身故如來亦爾徧一切法徧一切衆生徧
一切國土非至非不至何以故如來身無身故爲
衆生故示現其身又無在卽體無不在卽用體用
無礙故爲真身此亦淨名身子答天女意女身色
相無在無不在也

疏摩竭提國者通舉說處此云無毒害以國法無
刑戮故表能化法或云徧聰慧聰慧之人徧其國
故表所化機阿蘭若法者別舉說場也阿蘭若者
此云無詭諍卽事靜也法者所證真理二障業苦

誼雜斯盡也。事理俱寂故加法言。菩提場者。菩提云覺卽能證大智圓明究竟也。場者證菩提之處也。然事處卽天地之中。王舍城之西二百里金剛座上。約法則萬行皆是道場。理智相會之所故爲表所說。如所證故。不移其處說之。若圓融時處等。並如前說。鈔爲表所說下。釋處所以表自心中所證非是隨宜。故不移證處。

始成正覺

疏第三別明時分者。前標一時。未知何時。故今別顯。是初成佛時。亦彰大師出現時也。此教勝故。衆

教本故。在於初時。鈔二別明時分中一。先躡前生起雙標二時。謂說法時及成佛時。

疏初言尚總。幾日之初。九會之文。同此初不。鈔初言尚總。下次假問徵起。此有二徵。一徵初遠近。二徵初通局。

疏畧爲三解。一約不壞前後相說。纔成初七說。前五會。第二七日說十地等。第九一會乃在後時。以祇園身子。皆後時故。鈔畧爲三解下。第三解釋。此上總標三義。卽爲三別。三解之中。初之一解。徵初遠近。近在一念。答初通局。局初五會。第二解在

二七之後而通九會。第二解取前師卽一念之初。取後第二師通於九會。初正明時分中明九會分爲三時。非總初也。以祇園身子等者出後時所以祇園在後者。佛成道後在王舍城。因長者爲子取妻。至於此城聞佛發心方造精舍。故知在後。身子等在後者。按報恩經初度五人。次度耶舍門徒五十人。次度優樓頻螺門徒五百。次度伽耶門人三百。次度那提門人二百。次度贊子門徒一百。次度目連門徒一百。合有一千二百五十五人。十二遊經。初成道第一年度五比丘。第二年化迦葉兄弟。

三人第五年度身子目連五人者。一拘隣。一頰鞞。亦云馬星跋提。三摩訶男四十力迦葉。五拘利太子。一是母親。三是父親。釋曰。旣身子等在後。今第九會有此等五百。及祇園則在後矣。

疏常恒之說。不妨後時。雖能頓說有所表故。初五信解行願。最在初故。故皆云不離道樹。第六會因地證位。居其次深故。無不起菩提樹言。法界極證最在於後故。亦顯二乘絕見聞故。雖異處別時。亦不相離。爲寄穢土。以顯淨故。須前後耳。鈔常恒之說下。第二遮伏難。總有四難。一云華嚴教旨。時

處圓融要歷三時。豈通玄趣。故此釋云。常恒之說。說無息時。後時不談。豈名常說。二有難云。如來圓音頓演。何要三節方盡幽微。故此通云。雖能頓演。表法淺深。故須三節。三有難云。若表三節。三七日中。一七一節。足得成表。何要後時。故此荅云。三七未有聲聞。不得顯於不共之教。故須後時。故疏云。亦顯二乘絕見聞故。四有難云。處歷穢土時。不相融。豈順華嚴圓融之旨。故此荅云。正爲融於異時。及與穢土卽一利那。是淨故。故疏云。雖異處別時。亦不相離等。

疏若爾。世親那云。初七不說。但思惟行因緣行耶。世親纔見十地。卽爲論釋。或則未窮廣文。或則知見有異。未全判定。菩提流支。意大同此。鈔若爾。世親下。卽第三會論文。言思惟行因緣行者。因謂自所得法緣。謂所化之器。欲將已所證法爲衆生說。名爲行因緣行。故法華經云。我所得智慧微妙最第一。衆生諸根鈍。著樂癡所盲。如斯之等類。云何而可度。等是也。彼思不得一乘機。今思卽得一乘機爲異耳。

疏二順論釋。九會皆在一七日後。一七非久。亦名

撰述

華嚴疏金卷一之一

始成。

疏三約實圓融釋。皆在初成。一念之中。一音頓演七處九會無盡之文。海印定中。一時印現。鈔三約實圓融。卽賢首國師意。

疏以應機出世。機感卽應。應卽有說。無非時失。鈔以應機出現下。次立理。謂若機熟不應。便爲失人。未熟而應。虛心有待。二俱失時。

疏故祇園身子。蓋是九世相收。重會之言。亦猶燈光涉入。鈔故祇園身子下。三通妨難。謂有問言。若初成頓說。初成未度身子等衆。何處得有五百

羅漢。故今答云。九世相收。次有難云。祇園身子等縱許九世相融。一念一時。何有重會。前時後時方有重故。故今通云。重會之言。亦猶燈光涉入。如點燈蓋似有後有前。發光之後。光無前後。而相涉入。今重會義。但似燈光。一時之中。不妨兩會。法則有重時不重也。

疏故法界放光。亦見菩薩徧坐道場成正覺。故鈔故法界下。四引文爲證。有三。初引法界品文。證是初成。法界品內。見坐道場初成正覺明知法界同初會時。

撰述

聖嚴正錄卷十一

三

四

疏此經十地之初無二七之言。二七之言順別機故。鈔此經十地下次引十地經證無二七故。疏故諸經論顯初說時有多差別。謂普耀密迹二經第二七日卽說三乘法華過三七日方云說小四分律中六七興顯行經七七五分八七智論五十箇七日有云與十二游經一年大同時旣不定說亦不同。皆根器所宜見聞有異。鈔故諸經論下後會諸教時明二七言非爲楷定並隨機故謂密跡三乘玄中已說普曜說十二因緣而三乘俱益十二因緣通三乘故三乘旣益明通說三法華結成隨宜。

疏約佛起機無時不說。望器無感未曾有說。登地恒見常說一味之經就佛而言無說不說若攝方

便。皆一乘之印現。差別耳。無涯之說。不應局執。故應總攝以爲十重。如前已辯。鈔約佛就機下。會於權實。勸令善知。

疏上顯時分次釋成正覺義。約教不同。

疏小乘三十四心斷結。五分法身初圓。名成正覺。是實非化。鈔小乘已下別明五教。一小乘三十四心者。如婆沙八十二說。俱舍根品云。傳說菩薩三十四心。便成佛故。言三十四心者。見道一十六心。謂八忍八智。離有頂貪。有十八念。謂斷有頂惑。有九無間。九解脫道。如是十八足。前十六成三十

四。一切菩薩決定先於無所有處。已得離貪方入見道。不復須斷下地煩惱。唯斷有頂一地之惑。但三十四心一坐成佛。五分法身初圓者。卽戒定慧解脫解脫知見。如十藏品。是實非化者。據異大乘。○疏大乘之中約化八相示成。約報十地行滿。四智創圓。名曰始成正覺。鈔大乘之中下。第二始教也。

疏據實。卽古今情亡。心無初相。名之曰始。無念而照目之爲正。見心常住。稱之曰覺。始本無二。目之爲成。鈔據實下。第三終教。古今情亡。卽觀行意。

撰述

但當無念爲始成故。心無初相。卽起信論云。菩薩地盡覺。心初起。心無初相。以遠離微細念故。得見心性。心卽常住名。究竟覺。今疏離其語用。無念而照。名之爲正者。若唯無念寂而失照。若但照體。照而失寂。並稱不正。正在雙行。見心常住。稱之曰覺。卽上所引起信論文。得見心性。心卽常住名。究竟覺。始本無二。目之爲成者。起信云。謂始覺同本覺。無復始本之異。名究竟覺。卽是成義。

疏約法身自覺聖智。無成無不成。鈔約法身下。第四頓教意。言無成無不成者。經云。譬如世界有

成壞。而其虛空不增減。一切諸佛成菩提成與不成。無差別。旣無有成。何有不成。又體湛寂。故曰無成。不礙隨緣。故無不成。卽成頓教意。

疏若依此經以十佛法界之身雲。徧因陀羅網。無盡之時處。念念初初爲物而現。具足主伴。攝三世間。此初卽攝無量劫之初。無際之初。一成一切成。無成無不成。一覺一切覺。無覺無不覺。言窮慮寂。不壞假名。故云始成正覺。如出現品。及不思議法品。廣顯攝前諸說。皆一乘之所現也。鈔若依此經下第五圓教。言以十佛法界之身雲者。卽成正

覺等十佛義。並如前言。念念初初爲物而現者。卽體之應。應無盡時。生感卽成。念念機感。念念成矣。成旣不已。故曰初初一成。一切成者。事事無礙。故出現品云。如來成正覺時。於其身中普見一切衆生成正覺。故如來成卽衆生成矣。况佛佛平等。一切成佛。又於一處成。卽一切處成。故十地中第十願云。願於一切世界成阿耨多羅三藐三菩提。不離一毛端處。於一切毛端處皆悉示現等。又云。如於此處見佛坐。一切塵中亦如是。佛身無去亦無來。所有國土皆明現等。無成不成義不異前一故。

○疏第四別顯處嚴者。然此下處主及衆。卽三世間嚴。三中前二卽如來依正。衆卽淨土輔翼不空。不覺相故。

鈔第四別顯處嚴中。卽如來依正者。別顯處嚴是依教。王難思是正。衆海雲集是衆。輔翼不空者。菩薩卽十八圓滿中輔翼圓滿不空。卽眷屬圓滿。謂淨土中無有四趣龍鬼等衆。是佛欲示淨土不空。

疏今初器界嚴者。卽廣於前場之嚴顯成前覺之妙。異於餘經之處。於中四事。各十種嚴明。卽染顯淨。卽爲四別。第一地嚴。第二樹嚴。第三宮殿嚴。第四師子座嚴。然此諸嚴。各具三釋。一約事可知。二表法。謂地表心。地法身。樹表菩提。宮殿表無住涅槃。座表法空等。三就因行。謂一以窮心地法身之因。報得增上金剛之地。二以般若爲因。三以悲智相導爲因。四亦以法空爲因。然或一因行成一切嚴。或一切行成一嚴。或一行成一嚴。或一切行成一切嚴。以通融別。純雜無礙。今但明一行一嚴顯。

所表故。鈔然或一因下通難。謂有問言。因果圓融。何以就因各別所表。故今釋云。實具四句爲約所表。故別屬因耳。然通別無礙。

疏然各攝無盡之德。故四事皆有十句。初總後別。今具就文。各分爲四。

其地堅固。金剛所成。

疏今初心地十句分四者。初一總顯地體。二四地相具德。三四地上具嚴。四一舉因結用。今初標以堅固。釋以金剛諸教。或云木樹草座。多云座是金剛。今全地金剛。則權實斯顯。徹華藏故。廣如彼品。

鈔徹華藏者。以華嚴世界大蓮華地金剛所成。故此依本經若依觀佛三昧海經第二亦異常說。而未盡源。彼云爾時道場化以金剛滿八十里。其色正白。不可具見。此相現時。菩薩眉間白毫相光。端潔正直。轟然東向。長一丈五尺。有十楞現。釋曰。既有里數。又言化以。故非極說。

上妙寶輪及衆寶華清淨摩尼以爲嚴飾。諸色相海。無邊顯現。

疏次上妙下地相具德。約因釋者。一寶輪者。一攝一切圓行致故。二及衆寶華開覺悅他故。三清淨

摩尼圓淨明徹故。以上三行用嚴心地。故結云以爲嚴飾。上皆形色。四卽顯色。謂青黃等殊名。諸色相種種重疊。深廣如海。互相映發。等彼波瀾。或諸色俱生。或更相攝入。舍虛瑩徹。現勢多端。名無邊顯現。此由隱顯自在。定散無礙隨機利行之所致也。

摩尼爲幢。常放光明。恒出妙音。衆寶羅網妙香華纓。周帀垂布。摩尼寶王變現自在。兩無盡寶。及衆妙華分散於地寶樹行列。枝葉光茂。

疏三摩尼下明地上嚴者。一寶幢曲有五句。一摩

撰述

聖嚴疏金卷之一

尼爲體。二三光音明用。四五網纓辨飾。就因行者。
降魔伏外爲幢。智光常照。慈音外悅。願行交羅。戒
香芬馥。四攝周垂故。一摩尼雨寶。表神通如意。隨
機變現雨法寶。故三妙華散地。亦多因行偏嚴心
故。四寶樹行列者。德行建立故。

佛神力故。令此道場一切莊嚴於中影現。

疏四佛神力下。舉因結用。佛力者。出所因也。嚴具
多門。別說難盡。故總云。一切悉現。或於樹中現。或
於上諸嚴具及地中現。明一一行中。皆道場故。
鈔或於樹中現者。以上別中。第四寶樹行列故。言

或諸嚴具及地中現者。以是歎地尊勝故。初地
嚴竟

其菩提樹高顯殊特。

疏第二覺樹嚴者。卽大智因感。有十一句。分四。初
一總顯。高勝長聳。迥露圓妙。獨出故。約因。卽智超
數表。爲高本性。不昧爲顯。成物具德。曰殊。更無二
眞爲特。約果。樹卽菩提。鈔長聳等者。謂長聳爲
高。迥露釋顯。圓妙釋殊。獨出爲特。然按西域記。長
一百尺。卽畢鉢羅樹。

金剛爲身。瑠璃爲榦。衆雜妙寶。以爲枝條。寶葉扶疎。

撰述

華嚴疏錄卷之一

垂陰如雲寶華雜色分枝布影復以摩尼而爲其果舍暉發燄與華間列

疏一金剛下六句明體攝衆德一身是金剛金剛三昧本智因故正行成立爲樹身也一輪是瑠璃本智發解內外明徹故三雜寶枝條解隨境差故四條假葉以爲嚴智資定而深照寶葉雖異共成一蔭百千定門同歸一寂自蔭蔭他也五寶華異色在樹分枝承光則色同於地布影表神通等法依定有差俱承智光影現心地鈔表神通等法者卽淨行品若見花開當願衆生神通等法如華

開敷

疏六華雖不同果皆如意無邊行海同趣菩提若自利果成內則舍暉若身心湛寂外便發燄若觸境斯明若利他果立未熟則舍暉解生佛相已熟則發燄還流教光體如之行所成果無異因之果故與華間列故下經云菩薩妙法樹生於直心地等鈔故下經云菩薩妙法等者等取下文云信種慈悲根智慧以爲身方便爲枝幹五度爲繁密定葉神通華一切智爲果最上力爲鳥垂陰覆三界釋曰此五十九經所以引者意明表法皆有文

撰述

據非是臆說。

其樹周圓咸放光明於光明中雨摩尼寶摩尼寶內有諸菩薩其衆如雲俱時出現。

疏三其樹下三句明妙用自在展轉成益初依菩提智放教智光次依智光雨圓明法寶後教成悲智卽菩薩現前無心行成故如雲出鈔依菩提智等者菩提卽是證智教謂差別之用乃至言教卽教證二道十地廣明無心成行者陶隱居云雲無心而出岫鳥倦飛以知還凡舉雲義雖有多種多明無心。

又以如來威神力故其菩提樹恒出妙音說種種法無有盡極

疏四又以下一句舉因結用謂佛力爲因流音演法以如如力則智演法音音還如性故無盡極廣多故無盡豎長故無窮無間故稱恒也

如來所處宮殿樓閣廣博嚴麗充徧十方

疏第三如來所處下明佛宮殿嚴十句分四初一總明分量宮可覆育卽是慈悲殿可朝宗所謂圓寂悲智相導若樓閣相依廣者無邊法無外故博者不隘法內空故嚴者莊飾具衆相故麗者華美

法義備故充十方者稱法性故。

衆色摩尼之所集成種種寶華以爲莊校。

疏二衆色下二句體相圓備。一體是摩尼積德鎔融之所成故。二相嚴多種神通等法。悲寂用故。

諸莊嚴具流光如雲從宮殿間萃影成幢無邊菩薩道場衆會咸集其所以能出現諸佛光明不思議音摩尼寶王而爲其網如來自在神通之力所有境界皆從中出一切衆生居處屋宅皆於此中現其影像

疏三諸莊嚴下六句妙用自在。一衆行發光灑法如雲雲更多義至下當辯。二光幢獨出萃者聚也。

卽承光聚影而成謂悲寂交際承智起應降魔超
出故三內容衆海無邊菩薩卽道場外者亦在其
中卽依中有正亦果中有因卽明涅槃衆聖冥會
鈔卽明涅槃等者無有一聖不證涅槃猶如百
川皆歸大海故肇公云恬焉而夷怡焉而泰九流
於是乎交歸衆聖於是乎冥會矣。

疏四聲光寶網網者爲防禽穢以益嚴猶大教
網外防惡見內益悲寂教皆圓妙以寶而成故能
出佛智光圓音妙說言不思議音畧有四義一音
聲繁廣二所說難量三聲卽無聲四一具一切五

撰述

五藏疏金

出生果用。卽正報大用在此依中。依正混融參而不雜。明依大涅槃能建大義。故曰出生六無染現。染衆生是正。居處是依。染違性淨。不言出生妄無自體。還依真現。鈔染違性淨者。卽通外難謂有問言。涅槃旣無不包。染淨同在其內。何以果用卽言出生。居處屋宅不言出生。故今釋云染淨之法。涅槃實包淨則順體。染則違體。證會涅槃方有大用。故曰出生染旣違淨。非此出矣。而體不離。故云依現耳。

又以諸佛神力所加。一念之間悉包法界。

疏四。又以下舉因顯廣。謂德廣難東。故今總結。由佛力故。一念頓包事理。染淨一切法界。况多念耶。然上充徧十方。卽通局無礙。集菩薩衆。出佛神通。卽攝入無礙。現生舍宅。卽染淨無礙。悉包法界。廣陻無礙。一念卽能延促無礙。又集菩薩因果無礙。出佛神通。依正無礙。十種宮殿。此應說之。鈔然上充徧者。上直消經文。此下會成無礙。十種宮殿者。亦約表法之宮殿耳。亦同上文妙法樹矣。卽五十四經。經云。佛子。菩薩有十種宮殿。何等爲十。所謂菩提心是菩薩宮殿。恒不忘失。故十善業道福。

撰述

正藏疏金經卷一

德智慧是菩薩宮殿教化欲界衆生故四梵住是菩薩宮殿教化色界衆生故生淨居天是菩薩宮殿一切煩惱不能染故生無色界是菩薩宮殿令諸衆生離難處故生雜染世界是菩薩宮殿令諸衆生斷煩惱故現處內官妻子眷屬是菩薩宮殿成就往昔同行衆生故現居輪王護世釋梵是菩薩宮殿爲調伏自在心衆生故一切菩薩行遊戲神通皆得自在是菩薩宮殿善遊戲諸禪定解脫三昧智慧故一切佛所授無上自在一切智王灌頂記是菩薩宮殿住十力莊嚴作一切法自在故

是爲十若諸菩薩安住其中則得灌頂一切世間神力自在

其師子座高廣妙好。

疏第四其師子下師子座嚴十句分四初一總顯形勝師子座者人中師子處之又說無畏之法故得法空者何所畏哉空乃高而無上深不可測廣而無外邊不可窮妙乃卽事而真好謂具德無缺鈔空乃高而無上者疏有三義釋師子座今唯約表法釋高廣妙好事則可知下多就表。

摩尼爲臺蓮華爲網清淨妙寶以爲其輪衆色雜華

而作纓絡。堂榭樓閣。階砌戶牖。凡諸物像。備體莊嚴。寶樹枝果周廻間列。

疏一。摩尼下六句。體德圓備。一。臺座摩尼。卽處正中。正可依處。摩尼隨映有差。法空隨緣成異。中道妙理。正是可依。二。周座華網。卽外相無染。交映本空。三。淨寶爲輪。輪謂臺之處中。周匝輪圍。卽具德周徧。四。華纓周垂。諸覺諸通。垂化周攝。鈔諸覺諸通者。淨名云。覺意淨妙華。淨行品云。神通等法。如華開敷。

疏五。寶嚴墳飾。堂等畧舉。凡諸總包。無處不嚴。故云備體。顯於法空。全收萬像。無事非理。故六寶樹間飾。間上物像也。卽菩薩妙法樹。隨化分枝。隨因感果。並依無相義。曰周廻。凡聖相資。名爲間列。

鈔卽菩薩等者。釋寶樹枝果周廻間列。菩薩妙法樹。卽前文所引。前云。方便爲枝幹。今以權實爲枝。隨樹不同分枝。差別隨枝。有華名各成果。隨因有異。感果不同。並依無相。不離法空之座。

摩尼光雲。互相照耀。十方諸佛。化現珠王。一切菩薩髻中妙寶。悉放光明。而來瑩燭。

疏三。摩尼光下二句。妙用廣大。一。淨寶出光。如雲。

撰述

聖嚴正錄卷之二

三

涉入法空亦爾。一一智中知一切法。一一法體顯一切智爲互照也。鈔。一一智中者。如一實智。知徧法界理。如一權智窮事無邊。法界別事無不知也。一一法體者。如於一塵能顯實智。權智中道。智證智教。智無邊智門。

疏。二。王伴寶用。互相發揮。謂佛化摩尼能作佛事。智論云。輪王寶珠。但隨人意。能用寶物。天寶堪能隨天使令。佛寶十方能作佛事。菩薩寶珠。亦能分作。鈔。智度論者。卽第十二論說。寶有三種。人寶。天寶。菩薩寶。人寶力少。唯有清淨光色。除毒除鬼。

除闇。亦除饑渴寒熱種種苦事。天寶亦大亦勝。常隨逐天身。可使令。可共語。輕而不重。菩薩寶勝於天寶。兼能有人天寶用。又能令一切衆生知。死此生彼。因緣本末。譬如明鏡見其面像。

疏。如文殊師利冠中毘楞伽寶。求十方諸佛於中顯現。今菩薩髻珠。卽是其類。下文雲集菩薩髻珠亦爾。鈔。如文殊師利者。卽文殊般泥洹經說。文殊身如紫金山等。其文殊冠毘楞伽寶之所嚴飾。有五百種色。一一色中。日月星辰諸天龍宮世間衆生所希見事。皆於中現。

撰述

華嚴經卷第一

疏用此嚴座者。凡初成佛。皆一切諸佛現形灌頂。一切菩薩親授敬養。故因果寶珠俱來瑩燭。如來從果起用。故云化現理圓解滿義。曰珠王菩薩心頂皆照圓淨。故曰髻中妙寶。寂照照寂皆瑩淨照燭。鈔用此嚴座下出嚴所以言寂照照寂者。準纓絡經妙覺方稱寂照等覺照寂今菩薩寶義同照寂如來寶珠即當寂照。

復以諸佛威神所持演說如來廣大境界妙音遐暢無處不及。

疏四復以下一句佛加廣演佛境如空故云廣大

士有感斯至爲無不及顯教皆從法空所流是故所流還周法界非智不顯故云佛力鈔佛境如空者卽問明品云如來深境界其量等虛空一切衆生入而實無所入顯教皆從下上就事說此下約表無有一法不從法界流無有一法不歸於法界故從座流還周法界顯處嚴竟

是信士黃承鼎捐資刻此一卷上同

母親沈氏下同室人計氏花男黃善寶黃新極

花女慧慧馨馨

大方廣佛華嚴經疏鈔卷一之一

終

撰述

魏廣玄金名卷之二

大方廣佛華嚴經疏鈔卷之二

宋大慧慧海著

無量劫乃不同空人皆大悲與黃善實與

頂詒上真外觀心地圖

妙法

未無百

主人而寧

普唱聞已

識數周去已

育鳳傳至忍

大方廣佛華嚴經疏鈔卷一之二

于闐國三藏沙門實叉難陀譯

清涼山大華嚴寺沙門澄觀撰述

世主妙嚴品第一之一

爾時世尊處于此座於一切法成最正覺。

疏第五爾時世尊下明教王難思前但云佛未顯是何身佛又但云始成正覺未知成相云何故今顯之。鈔教主難思疏文有二先彰大意亦二先躡前徵起對前二文一對標王二對別明時分疏謂具十種深廣功德即是遮那十種無盡法界

身雲徧於法界成正覺也。非權應身。鈔謂具十種深廣下總答初答前佛後徧於法界成正覺者答其成相。

疏文分爲二先總後別。今初總辯卽菩提身具無盡德爲世所尊座相現時身卽安處智處諸法無前後故於一切法示所覺境卽二諦三諦無盡法也成最正覺示能覺智開悟稱覺離倒爲正至極名最獲得名成此當相解鈔初總辯疏文有三初當相以辯卽菩提身總示所屬具無盡下釋世尊次座相下釋爾時次於一切下牒釋餘文開悟發如蓮花開

稱覺者二諦中道理本湛然妄惑所翳久迷不見今二障既寂若雲卷長空故名爲開了了分明若晴天廓徹故稱爲悟悟卽覺悟如曠夢覺開卽開發如蓮花開

疏若揀別者凡夫倒惑佛覺重昏二乘雖覺不名爲正但知法有未知法空但悟我空未知我有有厭生死空該涅槃顛倒未除豈得稱正設許稱正亦未名最菩薩雖正有上有修不得稱最設位極稱最亦未得名成鈔若揀別者下第二寄對以釋仍舍二義一對凡名覺對小名正對因名最對

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

位極名成。一對凡名覺對邪名正對小名最對因名成。一時雙牒如文思之。但悟我空未知我有者。謂敵體與菩薩相反。二乘知我空法有。菩薩知法空我有然。二乘所空之我。菩薩亦空謂是我執。若無我法中有真我。菩薩知有。二乘不知。若但約二空了我空與菩薩同。不了法空與菩薩異。有厭生死空該涅槃者。此出上空有之過。由謂法有故厭生死不如菩薩了生死之本空無可厭故。淨名善意菩薩曰。生死涅槃爲一。若見生死性則無生死無縛無解。不生不滅。如是解者。是爲入不二法門。

又寶印手菩薩曰。樂涅槃不樂世間爲二。若不樂涅槃不厭世間。則無有一所以者何。若有縛則有解。若本無縛其誰求解。無縛無解則無樂厭。是爲入不二法門。二乘不能如是解故。故厭生死空該涅槃者。卽涅槃經意。涅槃云。空者所謂生死。不空者謂大涅槃。今二乘謂生死却爲不空。以涅槃無餘永寂。却是於空。故云空該涅槃。顛倒未除者。倒有八種。外道謂世間爲常樂我淨爲四顛倒。二乘永寂計爲涅槃。則無常樂我淨。復爲四顛倒。若謂世間無常樂我淨。涅槃乃有常樂我淨。則名八行。

皆非顛倒。是則二乘但有無常樂我淨之四倒。此約與之若奪二乘。二乘既不能知涅槃常樂我淨。則於無常樂我淨亦不如實知。以其漫該如蟲食木偶成字故。況不了生死實性。卽是涅槃要離八倒故云顛倒未除。豈得稱正。餘如涅槃四倒品說設許稱正亦未名最者。此對邪名正。對小名最。以上與之能知我空異乎外道故得名正。不能雙覺二空及不空義故不名最。菩薩雖正下亦有二意初對二乘不名正義。今對菩薩方得名正。有上者上有佛故。有修者未絕學故。設位極下。對上二乘得名正義則菩薩許得最名。但未成故佛方成耳。

疏我佛獨能故云成最正覺。謂如量如理了了究竟已出微細所知障故。鈔我佛獨能下第三結歸就佛。具有成最正覺四字之義。謂如量下。對上所覺境中。亦釋覺義如量覺俗如理覺真。三諦中道亦如理攝。亦是合上二智。覺於中道了了究竟捷奧。菩薩故涅槃云。十住菩薩見不了了。唯佛世尊名爲了了。故闍王云。了了見佛性猶如文殊等已出微細下。釋上了了究竟之言。障有三種。一現行二種子。三習氣。習氣種子名爲微細。佛已盡故。

妙法蓮華經疏

卷之二

七

然二障習氣通障菩提及大涅槃。若就別說。斷煩惱障顯於涅槃今成正覺。畧言所知耳。

智入三世悉皆平等。

疏後智入下第二別中分二。初總科。二別釋。卽約十德別顯十身。文卽分十一。三業普周。一威勢超勝。三福德深廣。四隨意受生。五相好周圓。六願身演法。七化身自在。八法身彌綸。九智身窮性相之源。十力持身。持自他依正。今初卽別顯菩提身之相也。以成菩提時得無量清淨三輪故。文中分二。先法後喻。法中三。先意次身後語。鈔。一。三業普

周者。十中後五全十身名。前五無有身言而義具之一。卽菩提身。前總中已示一節威勢身。三福德身。四意生身。五相好莊嚴身。

疏。今初意業。卽釋上成正覺。前云於一切法。此云三世。乃橫豎影畧耳。智入平等是正覺成也。智卽二智。三智。四智無障礙智。

疏。二智者。卽如理如量也。此復有二。一以如量智達俗名。入三世。以如理智證真名。悉平等。故佛地論云。以二智覺。二諦是也。二者證差別性。卽無差別故。三世卽平等。瑜伽云。如其勝義覺諸法故。名

等正覺。鈔二智者下。一釋二智。二釋三智。三釋無障礙智。四釋四智。以無障礙智。約義。卽圓。故列在後。因三諦成。故釋居前。一如量智者。然入有二義。一達二證。故以達入俗。以證入真。然二智相者。攝論云。如人初開目。是名加行智。如人正閉目。是無分別智。卽彼復開眼。後得智亦爾。應知如虛空。是無分別智。於中現色像。後得智亦爾。如其勝義者。證第二義。上則二智別覺二境。則三世爲俗。平等爲真。今覺俗卽真是。故三世卽是平等。勝義是真。諸法是俗。今以真智而覺於俗。故令諸法卽真。勝義以其性相非一異故。

疏言三智者。卽俗智。眞智。中道智也。此亦二義。一真俗互泯。雙遮辨中。則三世平等。二相兩亡。方爲智入二。真俗雖卽而不壞相。卽雙照明中。此二覺三諦之境。鈔一。真俗互泯者。俗卽眞故。非俗。眞卽俗故。非眞。非眞非俗。卽是中道。三世卽平等。故非三世。平等卽三世。故非平等爲兩亡也。二。眞俗雖卽而不壞相者。謂卽有之空方是眞空。卽空之有方爲妙有。空有不二。兩相歷然。如波卽水而恒動。水卽波而恒濕。故云雙照。此二覺下結成。在境

爲一諦而三諦。在心爲一觀而三觀。在果爲一智而三智。如一圓珠。珠相喻有。珠淨喻空。圓明喻中。三無前後。此喻一諦而三諦。若以明鏡照之。珠上三義。一時頓現。卽喻一觀而三觀。若觀珠之與鏡。非一非異。則喻心境二而不二爲真覺也。

疏境旣雙泯而雙現。智亦寂照而雙流。謂無障礙智。覺無障礙境爲正覺也。鈔境旣雙泯下。第三仍前三智。釋無障礙智。謂合前二種中道爲無障礙。然前三智圓融。已爲無礙而未明。遮照無礙。故復雙融。明無障礙。然雙泯卽前雙遮。雙現卽前雙

照。若境雙泯。則無心於真俗。爲寂也。若境雙現。則心權實雙鑑。爲照。故云智亦寂照而雙流。二種中道旣無障礙。二種二諦居然相融。

疏言四智者。卽圓鏡等四智也。通緣三世境。故並入三世。又鈔通緣三世下。二會釋。然四智廣義。次下喻中。廣別論釋。今此但取其中同義。言通緣三世者。四智皆緣三世之境。果位八識相應之智。皆緣三世。故云並入三世下釋平等。

疏言平等者。鏡智離分別。故依持平等。鈔言鏡智離分別等者。論云。此智心品離諸分別。所緣行

相微細難知故云離諸分別。又云純淨圓德現種
依持故云依持平等意云雖言現行功德之依種
子功德之持由無分別故得平等。

疏平等性智證平等性故。鈔平等性智者論云。
謂此心品觀一切法自他有情皆悉平等。即是所
觀平等故云證平等性。

疏妙觀察智觀察平等。鈔妙觀察智者論云。謂
此心品善觀諸法自相共相無礙而轉此即明平
等能徧觀一切諸法故云觀察平等。

疏成所作智普利平等。鈔成所作智者論云。謂
此心品爲欲利樂諸有情故普於十方示現種種
變化三業此即普利之義不揀冤親豈非平等。
疏四智圓融一句攝盡下身語等皆是四智之所
發現。鈔四智圓融下即歎勝也。下身語等者明
此中用四智之意以觀下文佛德與唯識論釋四
智同故云皆是四智之顯現所以總中宜用四智
釋也。

疏四智圓融無二性故修生本有非一異故不失
經宗。鈔四智圓融下第三解妨謂有難云四智
菩提有爲無漏非我經宗何得參雜釋此玄旨故

撰述

華嚴疏金言卷之二

三

今通云四智菩提性相二宗皆具有之但義小異耳用之無爽謂圓融無二是其一義故彼宗說四不得相雜今明一智便具四智故下出現以四寶珠喻其四智。補經云復次佛子譬如大海有四寶珠具無量德能生海內一切珍寶若大海中無此寶珠乃至一寶亦不可得何等爲四一名積集寶二名無盡藏三名遠離熾然四名具足莊嚴佛子此四寶珠一切凡夫諸天龍神等悉不得見何以故娑竭羅龍王以此寶珠端嚴方正置於宮中深密處故佛子如來應正等覺大智慧海亦復如是

於中有四大智寶珠具足無量福智功德由此能生一切衆生聲聞獨覺學無學位及諸菩薩智慧之寶何等爲四所謂無染著巧方便大智慧寶。大圓鏡智離諸分別名無染著所緣行相微細難知不妄不愚一切境相巧方便故善分別有爲無爲法大智慧寶。二平等性智觀一切法有便利他平等各善分別分別說無量法而不壞法性大智慧寶三妙觀察智此智善觀察諸法自相共相無礙觀無盡總持定門而言說爲無爲自他境相名巧方便利他平一切疑。知時非時未曾誤失大智慧寶四成所作智知機知時作所應作故若諸如來大智海中無此四寶有一衆生得入大乘終無是處此四智寶

薄福衆生所不能見。何以故。置於如來深密藏。故自經云。至此藏無方冊。其一一智皆云平均正直。補以有利益故姑存之。其一一智皆云平均正直。端潔妙好。卽四智之德故。况同一性。居然融通。言修生本有者。是第二意。不同彼宗。彼宗四智修生。涅槃本有。今卽四智。是本覺智。修生之四。非別有體。如金成像。金像不殊故。

疏然上能覺。卽成上菩提。就其所覺。卽法身也。理智無二。爲真法身。鈔然上能覺。下第三總結。所以結者。欲明一菩提身。已具法報一身。况具下九初意業竟。

其身充滿一切世間。

疏。一其身下。身業也。通三世間。故云一切。此正覺身。以是十身之總故。此其身。通於三身十身。無不充滿。鈔初總明身業。且寄三身以明。下明攝十以爲三故。

疏。法身普偏。世所同依故。智身證理。如理偏故。色身無礙。亦同理偏。鈔法身下。明法身本體周偏。智身修成。如體而偏。色身卽體之用偏。法身如虛空偏。智身如日光偏。色身如日影偏。疏並是圓偏。而非分偏。謂一切世間。一一纖塵等。

撰述

聖嚴疏錄卷之二

處佛皆圓滿。總看亦現。別看亦現。鈔並是圓徧下。別示徧相三身。皆如下說。故云並是。而言並是圓徧者。若大若小。皆圓滿故。非分徧者。非是分析散布令徧。謂一切下示圓徧相。纖塵亦圓。簾則可了。總看亦現者。徧法界內。唯一佛。佛身充滿於法界。故別看亦現者。則向一一國土。一一塵中。皆見全身。故下經云。如於此處見佛坐。一切塵中。亦如是。佛身無去亦無來。所有國土。皆明現是也。又總別看者。總則一身。處處皆有。別則支分眼耳鼻舌等。各徧法界。故現相品云。佛眼云何無有量耳。鼻舌身亦復然。

疏又國土等。卽是我身土等體外無別我故。我即土等。我之體外無土等故。餘一一身。互望融攝。猶多燈光。各互相徧。鈔又國土下。一圓融總攝徧。謂前明能徧三身。非所徧土。今明能徧。卽是所徧。能所互融故。又明一一身。相融和雜徧故。又上約佛身上十身。謂菩提願化力莊嚴等。今明三世間無礙之十身。謂國土衆生等。故十身相作。于何不融。故云猶如燈光。經云。譬如冥室百千燈。一一燈其光徧室內。諸佛身智亦復然。一身業竟。

其音普順十方國土

疏三。其音下語業也。順有三義。一。順異類言音。經云。一切衆生語言法。一言演說盡無餘故。二。順所宜說法。如來於一語言中。演說無邊契經海故。三。則順徧。佛以一妙音。周聞十方國故。

譬如虛空具含衆像。於諸境界無所分別。又如虛空。普徧一切。於諸國土平等隨入。

疏一。譬如下喻顯通。喻三業。然佛三業非喻能喻。唯虛空真如畧可顯示。更以餘喻使爲謗佛。鈔二喻此下總明大意。然佛三業非喻能喻者。八十

卷末云。三界有無一切法。不能與佛爲譬喻。譬如山林鳥獸等。無有依空而住者。虛空真如及實際。涅槃法性寂滅等。唯有如是真實法。可以顯示於如來。卽其文也。又佛地論第四云。如契經言。乃至所有施設譬喻。諸如來所有功德。一切皆是謗諸如來。唯除一喻。所謂虛空。可喻如來戒等無量功德。同虛空故。

疏然虛空喻有同不同。故下經云。解如來身。非如虛空。一切妙法所圓滿等。此顯不同。今分取同義。同義多種。如下十忍品。鈔然虛空等者。上兩句

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

聖嚴疏錄卷之二

三

標下釋二相。先釋不同。卽第五廻向之文。此明佛有自利之德。不同虛空不能自利。而言等者。等取次下經文云。於一切處令諸衆生積集善根悉充足故。此明如來有利他德。不同虛空。今分取同下二釋同義。但是分同。同義多種。如下十忍品者。卽第十如空忍經云。佛子。此菩薩了一切法界。猶如虛空以無相故。一切世界猶如虛空以無起故。一切法猶如虛空以無二故。一切衆生行猶如虛空無所行故。一切佛猶如虛空無分別故。一切佛力猶如虛空無差別故。一切禪定猶如虛空三際平。

等故。所說一切法猶如虛空不可言說故。一切佛身猶如虛空無著無礙故。釋曰。上所引文。若取總通無相無起等。皆是虛空多義。若取別相。唯取無分別無差別無著無礙以喻於佛。佛力佛身故。又彼忍下文云。譬如虛空。一切法依不生不滅。又云不可破壞。又云一切世間之所依止而無所依。又云無生無滅能持一切世間生滅。又云無方無隅而能顯現一切方隅。又云非行非住而能示現種種威儀。又云非色非非色而能示現種種諸色。又云非久非近而能久住現一切物。又云非淨非穢。

不離淨穢。又云一切世間皆現其前。非現一切世間之前。又云普入一切而無邊際等。皆喻菩提經具有合。今畧不引。例喻於佛亦具上諸義。以十忍位是等覺故。故可同佛。

疏今有二喻開成四義。一。含攝喻。兼無分別義。二。普偏喻。兼偏入義。以此四喻。喻意業者。下經云。佛智廣大同虛空。故此總喻也。鈔以此四喻下。喻其所喻。別喻三業。卽爲三段。古人唯將前喻。喻於意業。後喻身語。普偏喻身。隨入喻語。今並喻三業。但引文證。居然可知。初引經總釋下經等者。通於二智四智。然下三句云。普偏一切衆生心。悉了世間諸妄想。不起種種異分別。了世妄想。卽是量智。不起分別。卽是理智。而今但取廣大同空。則二四皆廣。故云總也。

疏量智包含而普偏。理智無分別而證入。鈔量智包含下。初喻二智。取前喻中包含之義。及後喻中普偏之義。以斯二義。並喻量智知差別故。似包含義無法不知。是普偏義。理智無分別者。取前喻無分別義。後喻平等隨入義。總取二義。以喻理智。理智卽無分別智。方能證入真如故。

撰述

華嚴疏錄卷之一

正

疏又大圓鏡智。純淨圓德。現種依持。能現能生身土智影。卽含攝義。鈔又大圓鏡智下。二以二喻。喻四智於中先引唯識證包含義。後引當經雙證二義。今初唯識第十云。一大圓鏡智相應心品。謂此心品離諸分別所緣行相微細難知。不妄不愚。一切境相性相清淨。離諸雜染。純淨圓德。現種依持。能現能生身土智影。無間無斷窮未來際。如大圓鏡現衆色像。釋曰。純者無雜。淨者離染。圓者滿義。現種依持者。現行功德之依種子。功德之持。能現能生身土三智之影。餘文可知。

疏下經云。菩提智普現一切衆生心念根欲等。而無所現。無所現言無有分別。鈔下經云下。第二引當經雙證二義。經云。譬如大海。昔能印現四天下中。一切衆生色身形像。是故共說以爲大海。諸佛菩提亦復如是。普現一切衆生心念根欲等。而無所現。無所現言無有分別者。上現心欲等。卽證含攝義。今證無分別義。然唯識鏡智。亦有無分別義。前疏總中已引用故。故今畧之。然無所現。有其二義。一。所現空。二。無心現。今取後義。

疏平等性智觀。一切法自他有情悉皆平等。亦無

分別無分別言顯無差別。鈔平等性智者疏二。
先引唯識論云。一平等性智相應心品謂此心品。
觀一切法自他有情皆悉平等。大慈悲等恒共相
應隨諸有情所樂示現受用身土影像差別妙觀
察智不共所依無住涅槃之所建立一味相續窮
未來際釋曰。由昔因中執有我故自他差別今我
執既無故皆平等隨十地有情所樂由無住涅槃
所立此識恒共悲智相應一味無漏亦無分別者
彼論無有無分別言今言亦無分別乃有二意一
依唯識四智通緣真如境故是無分別二者約境

無差別故名無分別今初論云大圓鏡智緣真如
故是無分別緣餘境故後得智攝其體是一隨用
分二了俗由證真故說爲後得餘三分二準此應
知釋曰準此論文四智各通二智並通真俗今且
從增勝二喻各配二智無分別下卽第二意然所
觀二境無分別故能觀之智亦無分別故無分別
言顯無差別此顯平等性智無分別義與鏡智不
同鏡智無分別若明鏡之無心平等性智無分別
如日合空空無異相故名無差別謂不分別差別
相故故攝論第八云應知一切法本性無分別所

分別無故無分別智無。

疏故下經云於一切義無所觀察等。鈔故下經者。二引當經卽出現品菩提相中。經云佛子如來成正覺時於一切義無所觀察而言等者。等取餘經云於法平等無有疑惑。無二無相無行無止無量無際遠離二邊住於中道出過一切文字言說。釋曰無所觀察證大圓鏡無分別義於法平等下。證平等性無分別義餘義兼具。

疏是以太虛含衆像衆像不能含太虛太虛不分別衆像衆像乃差別太虛以況我法不能容佛智。佛智乃能容我法有我法者分別如來是如來者不分別我法。

疏二普偏喻中妙觀察智無不偏知卽普偏義成所作智曲成無遺節隨入義。鈔二普偏喻下第二以第二喻妙觀察智及成所作智疏文有四。一引唯識言妙觀察者論云三妙觀察智相應心品謂此心品善觀諸法自相共相無礙而轉攝觀無量總持定門及所發生功德珍寶於大眾會能現無邊作用差別皆得自在兩大法雨斷一切疑令諸有情皆獲利樂。釋曰神用無方稱之曰妙緣。

自共相。名爲觀察。目卽色心等別。共卽同無常等。
又攝論云。圓成實性爲共相。依他起性爲自相。言
攝觀者。攝卽藏義。觀卽觀察。六度道品爲功德寶。
諸神通等爲作用差別。旣觀有情自相共相等。明
無不徧知也。成所作智等者。論云。四成所作智相
應心品。謂此心品爲欲利樂諸有情故。普於十方
示現種種變化三業。成本願力。所應作事。釋曰。旣
云種種三業成所作事。豈非委曲成就於物。無所
遺漏。此言卽周易繫辭云。範圍天地之化而不過。
曲成萬物而不遺。注云。範圍者。擬範天地而周備。
其理也。曲成者。乘變以應物。不係一方者也。則物
宜得所矣。此說易之德。今借况佛之德耳。唯識論
結云。如是四智相應心品。雖各定有二十二法。能
變所變。種現俱生。而智用增。以智名顯。故此四品。
總攝佛地一切有爲功德。皆盡會一宗義。已如上
說。

疏又下經云。佛智廣大。同虛空。普徧一切衆生心。
此卽智體徧悉了世間諸妄想。此約智用徧。又云。
得一切法界量等心。此約證徧。智性全同於色性。
故此約理徧。鈔又下經云下。於中先釋普徧有

四種徧。一。約智體徧。二。約智用徧。此二卽第八十經。已如前引。三。約契證徧。心與境冥。卽出現品。苦提章文。四。約理徧者。卽義引起信論云。問曰。若諸佛法身離於色相者。云何能現色相。答。卽此法身是色體。故能現於色。所謂從本已來。色心不二。以色性卽智性故。色體無形。說名智身。以智性卽色性故。說名法身。徧一切處所現之色無有分齊。隨心能示十方世界無量菩薩。無量報身無量莊嚴。各各差別。皆無分齊。而不相妨。此非心識分別能知。以真如自在用義故。釋曰。此文亦可證下身徧。

今但取其二性不異之義。以明智性之徧。上言智體。以智爲體。今是理性。與前懸隔。

疏云。何徧入不壞能所有。證知故。故下經云。世間諸國土。一切皆隨入智身無有色。非彼所能見。鈔云。何下二釋隨入不壞能所者。由前普徧之言。有其二義。一。有能所徧。二。無能所徧。謂約體徧。衆生却是智中物故。若約理徧。所徧全是能徧體故。則能所不二故。今此義不壞能所。所證能證。二相容差。故下經云下。引證。卽問明品。佛境甚深中。答。佛境入文。然彼中意。入有二義。一。者色身入。二者

撰述

華嚴疏錄卷之一

智身入今取智入身入可見智入唯智能知故云非彼所能見。

疏由隨於如卽入無所入故云平等。鈔由隨於如下釋平等入言此乃義引淨名目連章云法隨於如無所隨故謂若有所隨所隨則在能隨之外能隨之法乃在所隨如外所隨之如不偏能隨由無所隨當體如矣若約觀行隨如之心不生真順如矣問明亦云如來深境界其量等虛空一切衆生入而實無所入卽其義也。

疏是以虛空徧入國土國土不徧入虛空有國土處必有虛空有虛空處或無國土虛空之於國土平等隨入國土之於虛空自有彼此。

疏虛空可喻佛智國土可喻三世三世有處佛智必在其中佛智知處三世或無其體鈔三世有處等者佛智通達染淨無礙一念普觀無量劫故佛智無不徧知如來定慧無邊際故前觀無始後無終故言佛智知處三世或無其體者謂真如實際涅槃法性是佛智證彼無三世故始終。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷之一

疏此猶約不二而二說耳。若二而不二。國土虛空三世佛智同一性故皆互相入舉一全收。鈔此猶下四總結難思初明其隨入由上隨入之言約不壞能所故云不二而二說耳。則喻中虛空爲能入國土爲所入法中佛智爲能入三世爲所入所入不得爲能入今皆互相入則國土亦入虛空三世亦入佛智故云舉一全收。

疏普偏亦然鈔普偏亦然者二例普偏也上但佛智偏三世今明三世亦偏佛智。

疏三世間圓融則言思道斷故名佛智爲不思議

也鈔三世間者兼結上來包含之義及無分別悉皆圓融故云不可思議。

疏次以二喻喻身業者一毛尚容法界全分必舍衆像鈔次以二喻喻身業卽第二段亦具四義初義引經文舉況以釋含攝之義故云一毛尚容法界全分必舍衆像世界成就品云一毛孔內難思利等微塵數種種住一皆有偏照尊在衆會中宣妙法出現品云如人持尺量虛空復有隨行計其數虛空邊際不可得佛一毛孔無涯限次下文云一一毛端悉能含受一切世界而無障礙皆

毛含法界義也。

疏出現身業第二喻云。譬如虛空寬廣非色。而能顯現一切諸色。而彼虛空無有分別。亦無戲論。合云。如來身亦復如是。一切衆生諸善根業皆得成就。卽舍攝義。而如來身無有分別。卽第二義。鈔出現身業下。引此一喻。證前舍攝。兼無分別。但合文未具。具云。如來身亦復如是以智光明普照明故。令一切衆生世出世間諸善根業皆得成就。而如來身無有分別。亦無戲論。何以故。從本已來。一切執著。一切戲論。皆永斷故。對文可知。

疏佛身充滿於法界。卽普偏義。鈔佛身充滿者。卽現相品下三句云。普現一切衆生前隨緣赴感。靡不周而恒處此菩提座。此四句皆普偏義。今但用初句。已足爲證。

疏又云。譬。如虛空徧至一切色非色處。非至非不至。如來身亦復如是。徧一切法。一切國土等。卽普偏義。鈔又云。譬如虛空徧至一切等者。引此一文。亦證二義。謂普偏隨入二喻。喻中次釋經云。何以故。虛空無身故。合中畧引。具云。如來身亦復如是。徧一切處徧一切衆生徧一切國土。非至非不

撰述

華嚴疏金卷一之二

至何以故。如來身無身故爲衆生故示現其身。今但畧引足證徧義。

疏亦非至非不至。卽平等隨入義。鈔亦非至非不至等者。謂無身故非至。非至卽平等。非不至卽不礙。至是隨入義。

疏次以四義喻語業者。如來於一語言中具一切語言故。鈔次以四義喻語業者。卽第三段。如次證四義。言如來於一語言中具一切語言故者。卽證舍攝義亦是義引。卽出現語業中第四善口天女喻。合云當知如來亦復如是。於一音中出無量聲。隨諸衆生心樂差別皆悉徧至。悉令得解釋曰。據其末句可證徧至今。但取前卽舍攝義。又妙嚴品云。如來於一語言中演說無邊契經海。亦卽舍攝義也。

疏舍支天鼓無心出故。鈔舍支天鼓者。卽證第二無分別義。此有二喻。一舍支者。卽十忍品如響忍云。如帝釋夫人阿修羅女。名曰舍支。於一音中出百千種音。亦不心念令如是出。菩薩摩訶薩亦復如是。入無分別界成就善巧隨類之音。於無邊世界中恒轉法輪。天鼓卽出現語業第三天鼓覺。

撰述

華嚴疏金卷之二

悟喻結云。佛子。彼天鼓音無王無作無起無滅。而能利益無量衆生。下法合竟。結云。而如來音不住方所。無有言說。卽無心出義。又如隨好品。天鼓爲諸地獄天子說法云。諸天子。如我說我而不著我。我不著我所。一切諸佛亦復如是。自說是佛。不著於我不著我所。卽無心義。故諸論皆云。佛身如摩尼珠。無心現色。佛口如天鼓。無心出聲。皆無分別義。○疏如來音聲。無不至故。鈔如來音聲下。亦出現語業第一相云。應知如來音聲偏至。普偏無量諸音聲故。此證第三普偏義。

疏應知如來音聲無斷絕。普入法界故。鈔應知如來下。此全證平等隨入之義。以普入故。法界平等故。

疏又云。如來音聲無邪曲。卽平等義。隨其信解。令歡喜故。卽隨入義。鈔又云。如來下引於二文別證平等。隨入二義。彼文具云。應知如來音聲無邪曲。法界所生故。言隨其信解。令歡喜者。具云。應知如來音聲隨其心樂。皆令歡喜。說法明了故。上來四文。皆出現語業。

疏以空一喻。偏喻三業。故云正覺得無量清淨三

撰述

華嚴疏金卷一之二

輪明文昭然非是穿鑿菩提身竟。鈔以空一喻下三結示有歸謂既明文具有故不可唯以初喻喻智後喻喻身語也。初二業普周竟。身恒徧坐一切道場。菩薩衆中威光赫奕如日輪出照明世界。

疏第二身恒下威勢身超勝謂隨諸有情所樂示現受用身土影像差別無不周徧。鈔謂隨諸下卽唯識論平等性智之用謂以四身明義此當他受用身雖語於土意正取身唯識第十云「他受用身謂諸如來由平等智示現微妙淨功德身居

純淨土爲住十地諸菩薩衆現大神通轉正法輪決衆疑網令彼受用廣大法樂釋曰彼唯淨土今十身圓融染淨交徹與彼小異耳。

疏言一切道場者畧有十種。智身徧坐法性道場二法身非坐而坐道場三法門身安坐萬行道場四幻化身安坐水月道場此四義便故來。鈔言一切道場下牒經別釋上就別義配受用身爲順法相此中據實故說十身皆坐道場而言此四義便故來者爲順十身別故若將十身配十道場初二可知三卽福德身願身相好莊嚴身以福德

撰述

華嚴疏金卷一

三

云。三世所行衆福大海是萬行故。願是衆行之本。以行填願方能徧周故。相好莊嚴由行成故。故十佛中名業報佛由萬行業報得相好故。如云不可思議大劫海供養一切諸如來。普以功德施羣生。是故端嚴最無比等。皆約因成相好也。然法門之言。是天台依智論立名。卽功德法身。四幻化身。卽化身意。生身力持身。此三皆屬化身攝。故菩提身。總亦此化身攝。此四具九。兼後威勢。則十身具矣。上約別說。旣十身圓融。隨舉一身。卽已具十。坐一道場。卽坐十類。今就相顯。故說不同耳。已知十身

坐處。次當別釋坐義。智身徧坐法性道場者。法性是所證。以能證智安處理故。二法身等者。法身旣無能所。故曰非坐。非坐之坐。湛然安住名坐道場。三法門身等者。卽淨名經光嚴童子章云。佛告光嚴童子。汝行詣維摩詰。問疾。光嚴白佛言。世尊。我不堪任。詣彼問疾。所以者何。憶念我昔出毘耶離大城時。維摩詰方入城。我卽作禮而問言。居士。從何所來。答我言。吾從道場來。我問道場者。何所是。答曰。直心是道場。無虛假故。發行是道場能辦事故。深心是道場。增益功德故。菩提心是道場無

錯謬故布施是道場不望報故持戒是道場得願具故忍辱是道場於諸衆生心無礙故精進是道場不懈退故禪定是道場心調柔故智慧是道場現見諸法故廣說乃至云一念知一切法是道場成就一切智故如是善男子菩薩若應諸波羅密教化衆生諸有所作舉足下足當知皆從道場來住於佛法矣釋曰光嚴謂事道場故問道場何者是淨名以法表示故萬行爲得道之處即是道場故曰法門身坐萬行道場耳四幻化身安坐水月道場者涅槃云吾今此身是幻身則所得道之處皆從緣生如幻夢故

如水中月故昔人云修習空華萬行安坐水月道場降伏鏡像天魔證成夢中佛果意云若因果皆從緣生如幻夢故

疏若正約威勢身畧辯六類道場一徧一切同類世界道場如名號品等說二一切異類世界謂樹形等如世界成就品三一切世界種中四一切世界海中並如華藏品說五一切微塵中文云如於此會見佛坐一切塵中亦如是等六刹塵帝網無盡道場并前十種故云一切鈔若正約威勢下別辯十身之一坐六類道場但自狹之寬威勢既

通變化他受用身。故約諸刹漸寬周徧法界。乃至重重如名號品等者。等取四聖諦光明覺品及昇忉利天宮品。謂徧法界虛空界皆有百億四天下等。一類相似佛皆徧故。已如前引其名號四諦皆先列百億後結周徧。皆有百億十千名等。故是同類界也。下之五類至下當見。

疏言菩薩衆中威光赫奕者。正顯威勢超勝。勝於勝者。故獨言菩薩。非不超餘。如日輪出。照明世界。約喻以顯。映山出沒無隱顯故。處處全現無異體。故喻徧坐道場。鈔言菩薩衆中等者。卽以此文顯是威勢身也。映蔽菩薩故。映山出沒者。謂映山出沒如化身坐道場。無隱顯者。卽法身坐道場。處處全現下。卽報身坐道場。以卽應卽真故。隨處卽全皆無異體。

疏大明流空餘輝掩耀赫日之照難究其涯。喻彼威光超映菩薩。菩薩不能測也。鈔大明流空下。正釋威勢。大明卽日。餘輝謂星月等。日喻如來。月喻菩薩。星喻餘衆。正取映奪是威勢義。兼菩薩不測亦威勢義。赫日之照等者。卽夜摩會勝林菩薩。偈云。譬如孟夏月。空淨無雲翳。赫日揚光輝。十方

靡不充其光無限量無有能測知。有目斯尚然。何況盲冥者。諸佛亦如是。功德無邊際不可思議劫。莫能分別知。

疏既云照世。則終益生盲。先照高山。獨言菩薩。鈔旣云照世下通妨。謂有問言。旣十身圓融。則普應一切。何爲唯處菩薩衆耶。故義取喻中如日輪出之言。則無所不益。故云終益生盲。

三世所行衆福大海悉已清淨。

疏第三。三世下福德身深廣。三世佛德昔皆偏學。今三際已斷垢習斯亡。故衆福皆淨。鈔今三際垢習斯亡。故云清淨。謂怛沙煩惱皆已盡故。

而恒示生諸佛國土。

疏第四而恒下。隨意受生。一隨他意處處受生。二隨自意能無不生。謂慈悲般若恒共相應感。而遂通窮未來際。鈔四卽意生身。然意生有一義。一者是喻。猶如意去速疾無礙。故二者是法。自有二義。一隨自意。一隨他意。總謂隨意速疾而成故。謂

撰述

華嚴經卷一

慈悲般若等者。此卽唯識平等性智之用。下配屬於化身。畧舉一相實則此身亦通他受用隨十地菩薩意所生故。又悲智相導通化用故。化身卽是無住涅槃之大用故。感而遂通者。卽周易繫辭云。夫易無思也。無爲也。寂然不動。感而遂通天下之故。非天下之至神其孰能與於此。注曰。至神者。寂然而無不應。斯蓋功用之母。象數之所由生。意明亡象方能制象。遺數方能極數。非動方能應動。彼取易之虛無。無動故能無不動。今借此言以况如來內體圓寂。外應羣生。躡上衆福已淨之體寂。便

言而恒示生。故云寂然不動。感而遂通。卽法身無生。無所不生耳。

無邊色相圓滿光明。徧周法界等無差別。

疏第五。無邊色下。相好莊嚴身色無盡。故名色無邊。十蓮華藏微塵數相。名相無邊。而皆稱真。則一無邊諸相隨好放光常光皆稱法界。故云圓滿廣處。陶處皆圓現。故名無差別。

演一切法如布大雲。

疏第六。演一切法下。卽願身演法。謂雨大法雨。斷一切疑故。下經云。毘盧遮那佛願力周沙界。一切

撰述

聖嚴正金卷之二

國土中恒轉無上輪。鈔初標示大意謂雨大法雨斷一切疑卽引唯識妙觀察智之文別成此義。疏然經二句上法下喻文含多意一。雲喻於身雨爲說法法喻影畧又先興慈雲後霆法雨一雲一雨所潤不同亦隨物機宜雲雨各異掩塵蔽日普覆無心等。鈔三牒經委釋總有五意一雲喻法身雨喻說法法喻影畧者出現語業第十娑竭羅龍王降雨喻中廣說諸處雲色不同雨亦各別。合中云佛子如來應正等覺無上法王亦復如是欲以正法教化衆生先布身雲彌覆法界隨其所欲

爲現不同所謂或爲衆生現意生身雲或爲衆生現化身雲或現力持身雲色身雲相好身雲福德身雲智慧身雲諸力不可壞身雲無畏身雲法界身雲皆有或爲衆生現言次云此相現已一切衆生身之與心皆得清涼然後從如來大法身雲大慈悲雲大不思議雲雨不思議廣大法雨令一切衆生身心清淨所謂爲坐菩提場菩薩雨大法雨名法界無差別等故知雲爲法身雨爲說法法喻影畧者法中但有法說喻中但有興雲若具應云廣現化身演一切法如布大雲雨大法雨又先興

60 1 2 3 4 5 6 7 8 9 10

撰述

華嚴疏金句卷一之二

三

慈雲等者。亦卽上出現所引之文。一雲一雨等者。卽法華藥草喻品云。一雲所雨稱其種性而得生長。華果敷實。雖一地所生。一雨所潤。而諸草木各有差別喻也。合云迦葉當知。如來亦復如是。出現於世。如大雲起。以大音聲普偏世界。天人阿修羅如彼大雲偏覆三千大千世界。釋曰。上卽合雲次云。如來于時觀是衆生諸根利鈍精進懈怠隨其所堪。而爲說法。種種無量皆令歡喜快得善利。釋曰。上卽合雨。何以知是一耶。次云。如來知是一相一味之法。所謂解脫相離相滅相究竟。至於一切

種智。卽一雲一雨之義。偈云。其雲所出。一味之水。草木叢林隨分受潤。亦一雲一雨所潤不同。下云爲大衆說甘露淨法。其法一味解脫涅槃。以一妙音演暢斯義。乃至云正見邪見利根鈍根等雨法雨而無懈倦。一切衆生聞我法者。隨力所受。住於諸地。或處人天轉輪聖王。釋梵諸王。是小藥草等。皆一雲一雨所潤不同也。亦隨物機等者。亦出現意。上引法華雲雨則一。所潤不同。喻佛說法。曾無有差異。在於物。今明佛能具異。謂現十身雲降十法雨。如娑竭羅龍王興雲。或閻浮檀光明色。或

撰述

聖嚴正錄卷一

三

毘琉璃光明色或白銀光明色或玻瓈光明色等。卽雲不同。次云所謂於大海中雨清淨水名無斷絕。於他化自在天雨簫笛等種種樂音名爲美妙等。卽雨不同也。故云雲雨各異掩塵蔽日等者。卽十地經及法華意法雲地云佛子此地菩薩以自願力起大悲雲震大法雷透明無畏以爲電光福德智慧而爲密雲現種種身周旋往返於一念頃普徧十方百千億那由他世界微塵數國土演說大法摧伏魔怨復過此數於無量百千億那由他世界微塵數國土隨諸衆生心之所樂靈甘露雨

滅除一切衆惑塵燄是故此地名爲法雲釋曰此卽掩塵及普覆義無心之義乃是通說卽出現云復次佛子譬如海中有大龍王名大莊嚴於大海中降雨之時或降十種莊嚴雨或百或千或百千種莊嚴雨佛子水無分別但以龍王不思議力令其莊嚴乃至百千無量差別如來應正等覺亦復如是爲諸衆生說法之時或以十種差別音說或百或千或以百千或以八萬四千音聲說八萬四千種行乃至或以無量百千億那由他音聲各別說法令其聞者皆生歡喜如來音聲無所分別但

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

以諸佛甚深法界圓滿清淨能隨衆生根之所宜。出種種言音皆令歡喜等。卽無心義。卽娑竭與雲。喻中亦云。雖彼龍王其心平等。無有彼此。但以衆生善根異故而有差別。亦是無心之義。法華亦云。我無貪着。亦無限礙。又云。等雨法雨而無懈倦。皆無心義。

一一毛端悉能容受一切世界而無障礙。各現無量神通之力。教化調伏一切衆生。

疏第七。一下。化身自在謂於大衆會能現無邊作用差別。皆自在故。鈔謂於大衆下。卽引唯識

妙觀察智之用。釋成化身。

疏文中二。先明廣容無礙。謂於如來身。一一毛頭容。一切利而無障礙。無礙有二義。一。以一小毛現多大利。則一多大小無礙。二。此毛多利與彼毛多利參而不雜。則隱顯無礙。鈔廣容無碍者。謂法界如空。有其二義。一。廣容。二。普偏。今一塵如法界之包含故。卽是廣容。

疏後各現下。普偏以廣容不礙普偏故。還於前毛內。利中神力調生。若廣偏十方示現種種變化三業成所作事。居然易了。鈔以廣容下。出毛內調

生所以謂廣容則收法界入於一毛普偏則展一毛偏於法界今毛正容無邊利時卽普偏故便偏所容利內若廣偏下二舉况釋謂尚偏毛內何況外耶疏文卽是成所作智之妙用也

身偏十方而無來往

疏第八身偏下法身彌縫以法爲身本來湛偏故無來往鈔彌縫卽周偏包羅之義以法爲身等者先明法性身偏無來往

疏依法現色還如法身在此卽是在彼亦不待往來鈔依法現色下約應化法身明無來往所以

用此釋者由下以三身收之以此屬化身故智入諸相了法空寂

疏第九智入下智身窮性相之源相別曰諸性皆空寂性靜故寂相無故空

三世諸佛所有神變於光明中靡不咸覩一切佛土不思議劫所有莊嚴悉令顯現

疏第十三世諸佛下力持身能持自他依正於中先持正報神謂妙智變謂現身轉變變現俱名爲變皆能持之尚持於他況於自事後段亦然鈔力持等者疏文有二先正釋力持後以三身收束

撰述

華嚴疏鈔卷之二

前中又二。初正報。二依報。今卽初也。

疏後一切佛土下能持依報。橫盡諸土。豎窮諸劫。所有嚴事。常持令現。

○疏上約十身。若約三身者。則初三段。皆名報身。而恒下化身。身徧十方下。法身就報身中。前一自受用報。後二卽他受用報。故云處菩薩衆。鈔上約十身。今以三身收束於中。初約三身四身。然則十望於三。有通有局。菩提爲總。亦是化身。餘九身中。願化力持。此唯化身意生威勢。通他受用。及與變化福智相好。通於二報。及變化身法局法性。今取

順次。故爲此配。所以前菩提身復明真身。向來法身復明色身。欲順今次第配故耳。

疏以諸教中說三身四身成說等別。今皆圓融。於一始成無不頓具。鈔二出收束所以謂有問言。何用更以三身收束十身。故今釋云。以諸教三四迢然不同。今明圓融。一身具三。則權實有別。言三身成異者。法身無成。出障爲成。報身四智創圓爲成。化身八相菩提樹下爲成。三身說異者。法身無說。報身佛佛相見亦無有說。化身有說。若攝末歸本。應化非真佛。亦非說法者。卽報身說報同所證。

撰述

華嚴疏錄卷一

卷一

是法身說言四身成說異者。於報身中開自他受用。自受用。徧法界成則無所說。他受用爲十地成爲十地說。若依楞伽四佛皆說。而說不同。言四佛者。一化佛。二報生佛。三如如智。爲法身佛。初化次報後二皆法。如如及如如智。爲法身佛。亦可智。亦是報自受用故。言說異者。化身說五戒等因緣法。報佛說三性法。謂爲地上菩薩說令成佛故。法佛唯說離心自性相。則以無念會於法界。是故法佛唯說法性智。佛說者。依淨法界了相智覺。如說而解。故名爲說。

疏十身爲正三四義兼。又毛內調生光中持刹。如空普徧等。亦卽國土等十身。三世間圓融。豈報化之云別。鈔四融國土等十身。毛內調生則有衆生身聲聞身緣覺身。菩薩身及業報身。光中持刹是國土身。如空普徧是虛空身。菩薩衆中亦菩薩身。如來居然可見。三世間下。謂十身中衆生業報卽衆生世間。國土虛空節器世間。餘是智正覺世間。此三情非情異。染非染異。尚得爲一。豈一如來身上而分報化之殊明。知權說隔歷難可比此圓融。

疏是知畧以十德歎於教王其一一德無不圓融當去情思之矣。

信士黃承鼎捐資刻此一卷上爲

先父黃正憲

先母朱氏下爲亡弟承泰亡男仁安

大方廣佛華嚴經疏鈔卷一之二 終



工ノ九

九

#